

# მეცემსი

რედაქციის განცხადება

## ანგარიში

იმერეთის ეპარქიის სანთლის ქარხნის შესავალ-გასავლისა 1896 წლისა.

### შემოვიდა:

### დაიხარჯა:

	მან. კაპ.		მან. კაპ.
დაშენილი ნაღდი ფული იყო 20 დეკემბერს 1895 წლიდან . . . . .	76 50	სასყიდლოდ: ცვილისა . . . . .	10765 63
სახელმწიფო კასის წიგნით იყო . . . . .	144 29	ნაწიფი სანთლისა . . . . .	321 48
გასესხებული ფული იყო . . . . .	1629 71	სანთლის გულისათვის, პატრუქისათვის . . . . .	422 37
გასყიდული სანთლის ფული შემოვიდა . . . . .	21944 12	სანთლის სახვევი თოკისათვის . . . . .	15 28
გასყიდული საკმევლისაგან . . . . .	11 12	სახვევი ქალაღლისა . . . . .	73 90
სარგებელი ფულის თანხისაგან . . . . .	4 97	სესხათ გაიცა . . . . .	300 —
კათედრის ტაძრისაგან ნისიად წადებული სანთლის ფასი . . . . .	39 —	ქარხნის შეკეთებისა და შენახვისათვის . . . . .	206 56
დაბრუნებული ვაჭრის ხადეიოღლისაგან დაწუნებული სანთლის ფასი . . . . .	32 65	მოსამსახურეთა ჯამაგირისათვის . . . . .	702 62
		სანთლის საწყობის ქირად . . . . .	80 6
		ცეცხლისაგან უზრუნველყოფისათვის . . . . .	36 30
		ოსტატს სანთლის გასაკეთებლად . . . . .	1684 —
		ვალის გასასტუმრებლად . . . . .	5947 —
		წვრილმანი და მოულოდნელი ხარჯი . . . . .	191 —
		დაშენილი ყოველ ხარჯს გარდა . . . . .	3198 —

ს უ ლ . . . . 23945 36

ს უ ლ . . . . 23945 21





# ანგარიში

იმერეთის ეპარქიის სანთლის ქარხნის შესავალ-გასავალი, დაქთენილი და დამზადებული სან-  
თლისა და მასალისა 1896 წლისა.

## შ ე მ რ ვ ი ლ ა :

## გ ა ს ა ვ ა ლ ი .

	ფუთ. გირ.	დახარჯულ არს სანთლის გასაკეთებლად:	ფუთ. გირ.
დაშენილი 1895 წლიდან ცვილი . . . . .	57 8		
„ „ „ ნამწვი . . . . .	3 33		
დამზადებული სანთელი თეთრი ღ ცვითელი	156 18	ცვილი . . . . .	401 18
პატრუქი . . . . .	3 29	ნამწვი . . . . .	25 39
1896 წელში ნაყიდი ცვილი . . . . .	437 39	პატრუქი . . . . .	20 15
„ „ „ ნამწვი . . . . .	32 6	სახვევი ქალაღი . . . . .	9 36
პატრუქი . . . . .	22 22	თოკი . . . . .	1 16
სახვევი ქალაღი . . . . .	16 20	გასყიდულ არს სანთელი . . . . .	593 33
		დარჩა პირველი იანვრის 1897 წლისათვის	
		ცვილი სანთელი . . . . .	94 19
და სრულიად ცვილი 495 ფ. 7 გირ. ნამწვი		დამზადებული სანთელი . . . . .	56 35
35 ფ. 35 გირ. დამზადებული სანთელი 596 ფუთი		პატრუქი . . . . .	5 36
28 გირ. პატრუქი 26 ფ. 11 გ., სახვევი ქალაღი		სახვევი ქალაღი . . . . .	6 9
16 ფ. 20 გირ. და თოკი . . . . . 1 ფ. 24 გ.		და თოკი . . . . .	8

## გ ა ნ მ ა რ ტ ე ბ ა :

სანთლის ქარხნის ძველი გამგეობისაგან დარჩა, როგორც ჩანს ამ ანგარიშიდან, 57 ფუთი 8 გ. ცვილი, 1368 მ. საღირალი; 3 ფუთი 33 გ. პატრუქი, 46 მანეთის საღირალი; ნამწვი 3 ფუთი 29 გ. 40 მანეთის საღირალი და 156 ფუთი 18 გ. ჩამოსხმული სანთელი, რომლის გაყიდვისაგან უნდა შემოსულიყო 6258 მ. და სულ შემადგენელი 7712 მანეთისა. მაგრამ სანთლის ქარხნის ძველმა გამგეობამ დაუტოვა ქარხნის ახალ გამგეობას შემდეგი ვალი:

იმერეთის ეპარქიის საეკლესიო ხაზინაში შესატანი . . . . .	2500 მან.
იმერეთის ეპ. გაბრიელის სასწ. შესატანი . . . . .	1000 „
სანთლის ფასი მისაცემი ხადყი იბრაიმ ოღლიზე . . . . .	820 „
ოსტატის და კ. იოსელიანის მისაცემი და სხვა წვრილმანი ხარჯი . . . . .	800 „

და სრულიად . . . . . 5120 მან.

მაშასადამე ფულად დარჩებოდა გამგეობას დანატოვარი ნივთებიდან . . . . . 2592 „  
სანთლის ქარხნის ძველს გამგეობას ყველა ხარჯს გარდა პირველ იანვრი-  
სათვის 1895 წლისა ჰქონდა დატოვებული თითქმის ამ ფულეებზე მეტი.




იმერეთის ეპარქიის მთავრობის განკარგულება.

შემჩნეულია, რომ მრავალნი სამღვდელო და საეკლესიო პირნი და აგრეთვე სამრევლო შკოლის მასწავლებლები განწესებისა, ანუ ერთი ადგილიდგან მეორე ადგილზე გადაყვანის და მრავალ სხვა გვართა თხოვნათა გამო, ჩამოდიან ქუთაისში, ხშირად თბილისშიდაც მიდიან და ამაზედ არა აქვსთ არავითარი ნებართვა ეპარქიის მთავრობისაგან, არცა ბილეთი ბლადოჩინისაგან და არც დაბარებული არიან ადგილობრივი სასულიერო მთავრობისაგან; აცდენენ და თავს აბეზრებენ სასულიერო უწყების კანცელარიებში მოსამსახურე პირებს თავიანთ საქმეებზე სხვა და სხვა ცნობების თხოვნითა და აგრეთვე უაღილო და, სრულიად უმიზნო ვედრებით, რათა იგინი შეეწიონ მათდა სასარგებლოდ საქმეების გადაწყვეტაში და ამით ეჭვში შეჭყავთ საზოგადოება ამ მოსამსახურეთა შესახებ. ცხადია ისიც, რომ სხვა და სხვა უკანონო მოქმედებათა ზედა გამოძიებული საქმეები ითხოვენ არა მარტო მათი შინაარსის უბრალო გაცნობას, არამედ შესწავლას, კანონების ჩხრეკას და საქმის ყოველი მხრით ახსნას და გამორკვევას; აგრეთვე რომელიმე ადგილზედ განწესებისათვის, ანუ გადაყვანისათვის, საჭიროა ცნობები: თვით ამა ადგილზედ, მთხოვნელთა წოდებაზედ, წლოვანობაზედ, განათლებაზედ და უოფაქცევაზედ; გარდა ამისა ხშირათ კაი ხანს ლოდინიც საუკეთესო კანდიდატებისა, ამისათვის ამ გვარ საქმეთა და ბოლოებითი გადაწყვეტა მოკლე დროში არ ხერხდება; მიუხედავათ ამისა აღნიშნული პირნი რჩებიან ეპარქიალურ ქალაქში და ხშირად რამოდენიმე დღე უცდიან თავიანთის საქმეების დაბოლოებას; მიტოვება კი მრევლისა კრებულის რომელიმე წევრისაგან, ან საეკლესიო-სამრევლო შკოლის მასწავლებლისაგან, უმეტესათ დიდი ხნობით, გარდა იმისა, რომ ძრავს კრებულს წევრთა, მასწავლებლებთა და მრევლთა შორის დუტკინვას და საჩივრებსა, დიდ ვნებას აძლევს ხალხის სარ-

წმუნებრივ მოთხოვნილებათა და სახალხო განათლების საქმესაც. ასეც რომ არ იყოს მოხსენებულ პირთ დიდი უბრალო და სამძიმო ხარჯი მოსდისთ საეპარქიო ქალაქებში ჩამოსვლით, როდესაც ეს სრულებათ არ არის საჭირო, რადგან ყოველივე თხოვნა უფრო ადვილათ შეიძლება მიერთვას სასულიერო მთავრობას ფოსტით; ამ შემთხვევაში არც ხარჯია საჭირო და არც თავის სამსახურს აკლდება კაცი; იმვე ფოსტის საშუალებით ვასუბიც ადვილათ გაეგზავნება მთხოვნელის რიგრიგობით, შეძლებისა და გვარად, არა უგვიანეს ორი კვირისა საქმის დაბოლოებითი გადაწყვეტის დღიდგან. რაიცა შეეხება მათ, ვისთვისაც საჭირო შეიქმნება მთავრობის პირადი მთავრება და მღვდელ-მთავრული დარიკება, ანუ გამოცდა სეკულესიო საგნებში, იგინი დაბარებულ იქმნებიან მთავრობის განკარგულებით. აღნიშნული ქცევა სასულიერო წოდების პირთა გარდა ხარჯისა და სამსახურისა ზიანისა, ეწინააღმდეგება: 1) მადალ-ყოვლად უსამღვდელოესობის საქართველოს ექსარხოის 1887 წლის ცირტკულიარდას საქართველო იმერეთის სინოდალნი კანტორის უქაზსა 1891 წლის 10 აპრილიდგან № 3085, 2) ბლადოჩინთა ინსტრუქციის § 31, და 3) ბაშფორტთა კანონების 52, 53, 54, 55 და 59 მუხლთა, რომელთა ძალით, არც მღვდლებს, არც მედავითნეებს და არც არავის სასულიერო სამსახურში მყოფთ პირთა ერთი დღია ვადითაც არა აქვსთ უფლება მომორდენ თავიანთ სამსახურს ადგილს, უშორეს 15 ვერსისა მთავრობის ნება დაურთველად. უელა ამ ზემორე მოყვანილ გარემოებათა გამო ქუჩნადის „მწყემსი“-ს საშუალებით მიუწერ რწმუნებულ ჩემდამო იმერეთის ეპარქიის ბლადოჩინებს: 1) წაუკითხონ და აუხსნან ესე მიწერილობა, აგრეთვე ხელწერილი ჩამოართვან სამღვდელო-საეკლესიო მოსამსახურეთა და საეკლესიო სამრევლო და წერაკითხვის შკოლების მასწავლებლებთა, რომ არ წავადენ არსად უბილეთოთ და ნება დაურთველად თავის ბლადოჩინისაგან და ამ უკანასკნელთა არამკ და არამკ არ მისცენ ბილეთი წასასვლელათ ქალაქ ქუთაისში, ანუ თბილისში საკუთრივ იმ საქმეებისა



გამო, რომლებიც სწარმოებენ აქაურ სასუელიერო კანცელარიებში, გარდა იმ შემთხვევისა, როდესაც იმათ ოფიციალურად იბარებენ აღნიშნულ დაწესებულებაებში, სხვა მიუკიდებელ საჭიროების დროს, ბლადოჩინმა მისცეს ბილეთი სულ მოკლე დროით 15 კაპ. დერბის მარკით, აღნიშნითა ბილეთი: სად მიდს, რამდენი ხნით, რა საქმისა გამო და ვის სახელდობ ენდობა დათხოვნილის თანამდებობის აღსრულება, ხოლო სხვა ეპარქიაში წასვლა არც ბლადოჩინმა და არც სხვა სასუელიერო სამსახურში მყოფთა არ გაბედონ ეპარქიალური მთავრობის ნება დაურთველად და უბამფორმით. ვინც ამ მოწერილობას დაარდევს, იგი პირველ შემთხვევაში დაისჯება ჯარიმით და შემდეგ კი მიეცემა უფრო მეტს სასჯელს. ხოლო იპერეტის საეპარქიო კანცელარიას ვალად დავუდგენ, რათა უოველი სასუელიერო უწყებაში მოსამსახურე, გარდა ბლადოჩინებთა, რომელსაც არ აღმოუჩნდება ოფიციალური ნებართვა, უოველთვის მოახსენებდეს ადგილობრივი ეპარქიალურ მთავრობას; ამასთანავე წაეკითხოს ზემოთ აღნიშნულ პირთა წინეთ დაბუჭდილი განცხადება - საეპარქიო კანცელარიისაში მთხოვნელთა მიღებაზე და მათ ქცევაზე. ბლადოჩინებმაც ფიცხელი ყურადღება იქონიონ და ვინც თავიანთ თანამდებობას გუულგრილად მოეკიდება დააკლდება, მასზედ მოახსენონ ხოლომე მთავრობას. მოწერილობა ესე შევაძალაში 15 მომავალი მაისიდგან. 1 აპრილი 1897 წ. ქ. ქუთაისი. № 824.



უმაღლესი ჯილდოები.

ხელმწიფე იმპერატორმა, ბ. სინოდალურის ობერ-პროკურორის უოვლად-უქვემვერდობილეს-ს მოხსენებისამებრ, თანახმად უწმიდესის სინოდის განჩინებისა, უოვლად უმოწუალესად ინება, 28 წარსულს თებერვლისას, ორმოცდაათის წლოვანის სამსახურისთვის წმ. ვლადიმერის მკობხე ხარისხის ორდენის მიცემა მღვდლებისათვის: მელანის წმ. სამების ეკლესიის (ქართლ-კახეთის ეპარქიისა) გიორგი ნათიძისა და გურიისამეგრელოს ეპარქიის ზუგდიდის მაცხოვრის ეკლესიის — მათე ჯგუშიასთვის.

ქართლ-კახეთის საეპარქიო სამსწავლებლო საბჭოს მიერ.

ქართლ-კახეთის საეპარქიო სამსწავლებლო საბჭო, თანახმად თვისის ქურნალურის განჩინებისა, წარსულის მარტის 11 რიცხვიდამ, რაიკ დამტკიცებულ იქმნა მისის მადალ-უოვლად უსამდვდელოესობის მიერ, ამით უცხადებს მამათა ბლადოჩინებს და გამგეებს საეკლესიო-სამრევლო შკოლებისას ქართლ-კახეთის ეპარქიებში, რომ ორი მესამედი ამ შკოლების სასარგებლოდ დაწესებულ შეწირულებათა, როგორც ყულაბით მოგროვილი აგრეთვე აღებული მათდამი რწმუნებული საბლადოჩინოების ეკლესიების და კრებულთაგან, უნდა წარდგენილ იქმნეს საეპარქიო სამსწავლებლო საბჭოს ადგილობრითს განყოფილებაში (სამწერლო და სხვა საჭირო გასავალთა თვის მოსახმარებლად) და ერთი მესამედი კი — პირდაპირ წარდგენილ იქმნეს ქართლ-კახეთის საეპარქიოს სამსწავლებლო საბჭოში.





# მწყემსი



მე ვარ მწყემსი კეთილი: მწყემსმან კეთილმან სული თვის დაჰსდვის ცხოვართათვის. იოან. 10—1.  
 მზოვე ცხოვარი ჩემი წაწყმედული. მსრეთ იყოს სიხარული ცათა შინა, ერთისათვის ცოდვილისა. ლუკ. 15—4.  
 მოვედით ჩემდა ყოველნი მაშურალნი და ტვირთ-მძიმენი და მე განგისვენოთქვენ. მათ. 11 28.

№ 7. **1883—1897** 15 აპრილი

### გ ა ზ ე თ ი ს ო ა ს ი:

„მწყემსი“	„მწყემსი“ რუსული გამოცემით
12 თვეით . . . . . 3 მან.	12 თვეით . . . . . 5 მან.
6 — . . . . . 2 —	6 — . . . . . 3 —

ფულისა და წერილების გაგზავნა შეიძლება ამ ადრესით:  
 Въ Квиртале, въ редакцію „Мисемси“ и „Пастыр“.

შველა სტატიები და კორესპონდენციები, რომელნიც იქმნებიან დასაბუქდავით გამოგზავნილნი, ვრცლად და გასაგებად უნდა იყვენ ავტორთავან ხელ-მოწერილნი.  
 სტატია, რომელიც არ დაიბეჭდება, სამი თვის განმავლობაში შეიძლება ავტორებს მათის ხარჯით უკანვე დაუბრუნდეს  
 სტატიები მიიღებიან რუსულს ენაზე დაწერილნიც და თარგმნით დაიბეჭდებიან.



## ქრისტე აღსდგა!

სიტყვებში—ქრისტე აღსდგა! მოთავსებულია მთელი სიმტკიცე ჩვენი წმიდა სარწმუნოებისა, მთელი საფუძველი ჩვენი სასოებისა და მთელი დაუსრულებელი წყარო საუკუნო სიხარულისა და ნეტარებისა.

ქრისტე აღსდგა! ესრეთ მსხვერპლი, შეწირული ჩვენთვის ღვთის ძისა მიერ ჯვარზე, მიღებულ არს ზეციერ მამისაგან საყნოსელად სუნად სურნე-



ლებსა; წინააღმდეგ როგორ აღსდგებოდა იგი დიდებით საფლავიდგან?

**ქრისტე აღსდგა!** და ესრეთ საწრეტელი სიკვდილისა ძლეულ არს, საშიშარი მპყრობელობა მისი დამხობილ არს.


**ქრისტე აღსდგა!** და ესრეთ სამეფო ეშმაკისა დაქცეულ არს და მეუფება მისი დამხობილ. „აწ მთავარი ამა სოფლისა გაგდებულ არს გარე“. (იოან. 12, 31).

**ქრისტე აღსდგა!** და ესრეთ ბქენი სასუფეველი-სა ღვთისანი გაღებულ არიან ყოველთათვის. არც ერთ ქერაბინს არ შეუძლია წინ დადგომა გზაზე ცხოვრების ხემდის, როდესაც ჩვენ წინა გვიძღვის მთავარი ჩვენი ცხოვრებისა. „და ნუ შეძრწუნდებიან გულნი თქვენი; გრწმენინ ღმრთისა და გრწმენინ ჩემდა მომართ.

**ქრისტე აღსდგა!** და ესრეთ გზა ჯვარისა, რომელიც ამცნო უფალმა ჩვენმა იესო ქრისტემ მორწმუნეთა თვისთა, არის ქეშმარიტი და ერთად ერთი გზა საუკუნო დიდებისა და ნეტარებისადმი. ყოველივე დროებითი—დროებითვე წარვალს; ყოველივე საუკუნო-საუკუნოა და არასოდეს არ წარვალს. ყოველივე ქვეყნიური გრძელდება საფლავამდის, კუბოში შთასვენებამდის. ყოველივე სულიერი და უხილავი მიგვყვება სიკვდილის შემდეგ და ჩვენთანა იქნება საუკუნოდ.

«აღდგომისა დღე არს, განვბრწყინდებოდეთ დღესასწაულსა ამას, და ურთიერთარს შევიტკობთ და ვსთქვათ ძმათა ჩვენთა, მოძულეთაცა ჩვენთა შეუნდოთ ყოველი აღდგომასა და ესრეთ ბრწყინვალედ ღალად-ვყოთ: ქრისტე აღსდგა მკვდრეთით და სიკვდილითა სიკვდილი დაჰსთრგუნა და მყოფთა საფლავისათა ცხოვრება მიჰმადლა».


ღვკ. დ. ლამბაშიძე



დიდი სიამოვნებით და სიხარულით წავიკითხავთ ხოლმე ქართულ გაზეთებში: „გამოვიდა“, ანუ „გამოვა ქართულ ენაზე ესა და ეს სამეცნიერო წიგნი“. დიდი სიამოვნებით ვეგებებით ამ ამბავს, რადგან ვხედავთ, რომ არც ჩვენი პატარა ქვეყანა ჩამორჩენია უკან დიდს, განათლებულს ქვეყნებს და, შეძლებისა დაგვარათ, შეაქვს თავისი წვლილი მეცნიერების საღაროში.

მაგრამ მაშინ, როცა ჩვენი საერო ლიტერატურა, ცოტათ თუ ბევრათ, წინ მიდის, წინ იწევს, ჩვენი «სასულიერო ლიტერატურა ერთს წერტილზე გაყინულა და აღარ იძვრის. ეს, რასაკვირველია, ჩვენი უმაღლესი სასულიერო განათლების მიმღებ პირთა დაუდევრობით აიხსნება. აგერ მეცხრამეტე საუკუნე თავდება და ქართულს ენაზე არც ერთი მეცნიერული ორიგინალური გამოკვლევა ქართულ საეკლესიო ლიტერატურიდგან არ დაწერილა. ესლა საქართველოში ბევრნი არიან უმაღლესი ღვთის მეტყველური განათლებით აღჭურვილნი პირნი და ჩვენთვის სასი-ცხვილო იქნება ვთქვათ, რომ მათ არ შეეძლოთ ქართულ ენაზე რომელიმე კითხვის გამოკვლევა ქართული საეკლესიო ლიტერატურიდგან; გამოსაკლევი კითხვები ძალიან ბევრია საქართველოს საეკლესიო ლიტერატურაში. მეცნიერული რამე თუ იწერება საქართველოს საეკლესიო ლიტერატურიდგან-მხოლოდ სასულიერო აკადემიებში ქართველი სტუდენტების მიერ ღვთის მეტყველების კანდიდატის ხარისხის მისაღებათ. რა ან როგორ არიან დაწერილნი ეს თხზულებანი, ეს უწყიან მხოლოდ სტუდენტებმა, რომლებიც სწერენ და პროფესორებმა, რომლებიც კითხულობენ ამ თხზულებათა; ქართველმა საზოგადოებამ კი ამაზედ არაფერი იცის, რადგან ეს თხზულებანი არ იბეჭდებიან. ქართველები, რომელნიც უმაღლესი ღვთის მეტყველური სწავლით არიან აღჭურვილნი, მოვალენი არიან იკვლიონ მეცნიერულათ კითხვები საქართველოს საეკლესიო ლიტერატურიდგან, აღადგინონ საღვთისმეტყველო მეცნიერება საქართველოში, დაანახონ ქვეყანას, რომ არც ჩვენი წინაპარნი ჩამორჩენიან ჩვენსავით უკან ქვეყნიერობის წინ მსვლელობას, ყოფილან ქართველობის და ქრისტიანობის წინამბრძოლნი.





ლია წაჩილი

პატივცემული მამაო რედაქტორო!

თქვენმა მშენებელმა და მნიშვნელოვანმა, სხვა მრავალთა შორის, დარიგება-რჩევამა სამღვდლოებში-სადმი შესახებ ფუტკრის მოშენებისა, ჩემზედ ღრმა შთაბეჭდილება იქონია. მე მსურს შეუდგე ფუტკრის მოვლა-მოშენებასა. ჯერ-ჯერობით ვიყიდე რამდენიმე სკა. მაგრამ გულ ახდილად უნდა ვაღვიარო, რომ ფუტკრის მოვლა-ცოდნაში უვიცი ვარ. უნდა შევიწავლო, რა თქმა უნდა, წიგნების საშუალებით. რადგან აქეთ პრაქტიკულად ფუტკრის მოვლის საქმე ჯერეთ არავის არ აქვს წესიერად დაყენებული, ამისათვის უმოარჩილესად გთხოვთ თქვენი პატივცემულის ჟურნალის საშუალებით შემატყობინოთ, თუ როგორ უნდა მოვიქცე, რომ ფუტკრის მოშენების საქმე ჯეროვან ნიადაგზედ დავაყენო და შევიწავლო. ვისი წიგნები უფრო გამომადგება ამ საქმეში. ყველა წიგნები დაგვისახელეთ ქართულს და რუსულს ენებზედ გამოცემულნი ფუტკრის მოვლის შესახებ, რომ გამოვიწერო.

თქვენი პატივის მცემელი ქიზიყელი მოძღვარი №

აი ჩვენი რჩევა: პირველი დარიგება მეფუტკრეობაზე მოისმინეთ უთუოდ კარგ გამოცდილ მეფუტკრისაგან ფუტკრების დათვალიერებით და დახედვით. ეს ადვილი მოსახერხებელია ეხლანდელ დროში. შემდეგ მოიპოვეთ შემდეგი წიგნები: 1. ფუტკარი და მისი ცხოვრება ბუტლეროვისა, ფასი 60 კ. 2) დანის სკა და როგორ უნდა მოამზადო თვითონ ეს სკა. გ. კონდრატიევისა, ფასი 25 კ. 3. ფუტკრების მოვლა ბერტრანისა, ფასი 90 კ. ამასთან გიგზავნით წიგნს ო. ი. შუსინ პუშკინის ქალისას, რომლიდანაც ყველა საჭირო ცნობებს შეიტყობთ. ბევრ ნაირი დარიგება არის ფუტკრების მოვლა-მოშენებისა და გირჩევთ, რომ უპირატესობა მისცეთ დადანის სკას და ამ სკებით ფუტკრების მოვლას. ცოტა ხნის შემდეგ ჩვენ დავიწყებთ საჭირო დარიგების ბეჭდვას ფუტკრების მოვლისა და მოშენების შესახებ.

რედაქტორი.

მოკლეობა თუ სიყვარული?

(მოთხრობა).

(გაგზქელა \*.)

თითქოს მ. ანდრიას სიტყვებმა იმოქმედეს ქალზე, ის დადუმებული და მოქუშული ამზადებდა ქმარს სამგზავროდ და კალს ტანთსაცმელს უძებნიდა. ამ დროს მ. ანდრია სამზარეულოში გავიდა მეთევზეებთან, რომლებიც მზარეულს ქალს ემუსაიფებოდენ „მათვევენას“ ავადმყოფობაზე. გლეხები ისევ წამოდგნენ, მ. ანდრია რომ დაინახეს.

— იცით რა! მე მოვდივარ. შენ სვიმონ, მიუბრუნდა ის მესაჭეს, წამოდი ჩემთან ეკკლესიაში. სანაწილე უნდა წამოვიღოთ.

— გაახლებით, მამაო, მიუგო სვიმონმა და აიბნია სათბურის ღილები.

მ. ანდრია შემობრუნდა სასადილო ოთახში, ჩაიცვა უბრალო, „რუსული“ ჩექმები, რომლებიც ცოლმა გამოუტანა, თბილი ბამბიანი კაბა, აიღო ქუდი და ეკკლესიის გასაღები და გამოვიდა სამზარეულოში.

სვიმონიც მზათ იყო, ხელში ქუდი ეჭირა. გამოვიდენ სამზარეულოდან ორივე.

მ. ანდრიამ აიღო ეკკლესიაში სანაწილე. შეევედრა ღმერთს მხურვალე გრძნობით აღსავლის კარების წინ და გამოვიდენ ეკკლესიიდან. შინ რომ მიბრუნდენ, იქაც ყველაფერი მზათ დაუხვდათ. მაგიდაზე იდვა ძველი ტყავის ქუდი, ვინაიდან ისეთ ძლიერ ქარში სხვა ქუდის დახურვა შეუძლებელი იყო. სამზარეულოში სკამზე მაუდის ანაფორა, ხელთათმანები და თივთიკის ფენსახვევი საბანი ელაგა. მ. ანდრიამ აქაც დაიწერა რამდენჯერმე ღმობიერებით პირჯვარი ხატების წინ.

— ბავშვები დალოცე, მაინც, უთხრა ქალმა, — ვინ იცის, რა შეგემთხვევა, იქნება მეტათ ველარცკი ნახო...

ხმაზე წინანდებურად ტირილი ემჩნეოდა.

მ. ანდრიამ დაჩქარებით დალოცა თითოეული ბავში, რომლებიც მთელი დროის განმავლობაში გა-



ოცებით უყურებდენ ამბავსა და ვერ მიმხვდარიყვენ, თუ რად ღელავდენ მშობლები.

— მშვიდობით, ჩემო კარგო! მოეხვია კისერში ცოლი. თვალებიდან ცრემლები გადმოსჩქეფდა, მკერდზე მიეყრდნო და გული წაუვიდა.

— კარგი, გეყოფა! ანუგეშა მ. ანდრია, თუმცა თითონაც ხმა უკანკალებდა და ცრემლებს ძლივს ძლიობით იმაგრებდა. სკდილობდა ფხიზლად მოეჩვენებინა თავი და გული არ დაეწყვიტა უკანასკნელად ცოლისთვის.

— ხომ ხედავ, ბავშვებიც სტირიან, შენ რომ გიყურებენ! დაიწყო მანვე და ნაზად მოიშორა ქალის ხელები. — მოუარე ბავშვებს... ღამით ტირილი ავენტო.

მ. ანდრია დაჩქარებით გამოვიდა სამზარეულოში, და, ჩაიცივა თუ არა, მაშინვე გასწია კარებისკენ. ყველანი უკან მიჰყვენ, ყველანი რაღაც უსიამოვნებასა გრძნობდენ. გლეხებს არც უნდოდათ სახლის მოშორება და ცივს ქარში გამოსვლა. მ. ანდრიას ჟრუანტელი უვლიდა ძარღვებში მოგზარუობის სიბნელის მოგონებაზე. ცოლიცა და მზარეული ქალიც, რომლებმაც მიაცილეს მგზავრები, ისეთივე უსიამოვნო ფიქრებში იყვენ გართული — საშიშარი მგზავრობის გამო.

IV.

სახლიდან გამოსვლისათანავე უფსკრულმა წყვილადმა დამალა მ. ანდრია და მისი თანამოგზაურები. ღამის სიბნელე ერთი ორად გააორკეცა სინათლიდან სიბნელეში უეცრივ გადასვლამ. ქარი გახელბული ზუზუნდა, შავი ღრუბლები დაბლობზე დაჰქროდენ დედამიწას ზევიდან. წვრილი წვიმა ჟინჯლავდა და ქარის ყოველ მოქნევაზე წყლის ნამცეცებით ასხურებდა მგზავრებს.

— მშვიდობით! მოისმა მიმცილებელთა ხმა. ამას ზედ მოჰყვა ქისკრების მიხურვის ხეთქა და მოქანებული ურდულის წივილი.

— მიბოძეთ, მამაო, ხელი. — უთხრა სვიმონმა, — არ წაიქცეო, ხომ ხედავთ, როგორი ბნელია. მარცხნივ ერთ ლაჯზეა. იქნება ფეხი გავისხლტეთ, ან შეეჩეხოთ რასმეს. გამოართვა ხელი მ. ანდრიასა და დამედებული გასწია პირდაპირ მდინარისაკენ.

— ხომ საძნელო იქნება მოგზაურობა, სენია!? კითხა წინამძღოლსა მ. ანდრია.

— უჰ, ისე ცუდი იქნება, ისე ცუდი, ვერც არ ვიცი... ჩემი დედა რომ არ იყვეს, გარდაცვლილი მოვიდოდა ასეთ ავდარში. მაგრამ რას იზამთ, როცა საქიროება გადგიათ.

— მართალია, კვერი დაუკრა მ. ანდრიამ. — საქიროება რომ არ გვთხოვდეს, არც წავიდოდა... ხოლო საქიროება ისეთია, რომ წაუსვლელია არ შეიძლება. იქნება უზიარებლად მოკვდეს. დიდი ცოდვა დაგვაწვება კისერზე, ეს რომ ჩვენი მიზეზით მოხდეს.

ამ მუსაიფში მიაღწიეს ნაპირს. ნავი მალე იპოვნეს, გაუჭირველად. სვიმონმა ნავი ნაპირზე მოაყენა, ჩავიდა შიგ და მ. ანდრიაც გადიყვანა. წავიდნენ მენავეებიც. დიდი მზრუნველობით დააჯინეს მ. ანდრია, შეუხვიეს ფეხები წამოღებულ სიბნელეში. შემდეგ სვიმონი ისევ ნაპირზე ამოვიდა და მოხსნა თოკი ბოძსა. მაგრამ წყალმა უეცრივ გაიტყორცნა ნავი ღონივრად ნაპირიდან და სვიმონიც კინალამ შიგ ჩაიყოლა. სვიმონისა და მენავეების შეერთებულმა ძალ-ღონემ ნავი ისევ თავის ადგილს მოაყენეს.


— ღმერთო, გვიშველე! ჩაილაპარაკა სვიმონმა და ჩავიდა ნავში, რომელიც დაინძრა და განშორდა ნაპირს.

მდინარეზე გასვლა მეტის მეტი ძნელი იყო. ძლიერსა და სასტიკ ქარში უშველებელი ზვირთები დგებოდნენ და შუილით მიჰგორავდნენ ერთი ერთმანერთის მიყოლებით. იმ ადგილას უფრო საშიშარი და უდიდესი იყვენ ზვირთები, სადაც მდინარე ჩვეულებრივ ღრმად მიმდინარებდა. ნავს აქეთ-იქით აქანებდა ზვირთები. სვიმონი ადგასაქვზე, გაფაციცებით იცქირებოდა აქეთ-იქით და საქიროების დროს ნავს ისე დააყენებდა, რომ ზვირთებს ვერ გადაებრუნებია.

მენავეებთა შორის სრული სიჩუმე იყო ჩამოვარდნილი. მათი დაღვრემილი პირის სახე აშკარად ამტკიცებდა, რომ ისინი მგზავრობის შიშით იყვენ შეპყრობილი. ყველანი ერთნაირად იზნიქებოდნენ წინ და უკან და გაორკეცებული ძალ-ღონით აწევბოდნენ ნიჩფებს, რა წამს მესაქეს ყვირილი მოისმოდა: „უფრთხილდითო?“.

მ. ანდრიაც სლუმდა. წამ და უწუმ ელვიძობოდნენ ფიქრები გონებაში. საშიშარი მდგომარეობა სულს უხუთავდა. მთელი წარსული ცხოვრება გადაეშალა გონებაში: საყვარელი სახე მეუღლისა, ბავშვებისა... საოცარი გარკვევითა და სისწრაფით





გაურბენდენ გონებაში ფაქტება ბავშობიდან. შინაურული ცხოვრებიდან, სწავლის დროებიდან, დაქორწინებიდან, მოძღვრული მოქმედებიდან... ამ ფაქტებთა შორის დაქსაქსულ ძაფსა წამ და უწყუმ უწყვეტდა სურათები თვის სახლობის ცხოვრებიდან. „ახლა იქნება წვებიან კიდევაც“, ფიქრობდა ის. თვალ წინ წარმოუდგა საწოლი ოთახი: აგე, ვითომც კოლი მზარეული ქალის დანმარებით ბავშვებს აწვენს და ამათ კი ძილი არ ეკიდებათ, ხმაურობენ. ჯინჯედ არ ახდევინებენ. „წყნარად, წყნარად“, არიგებს დედა და ამ ხმაში, რომელიც სიმკაცრით უნდა წარმოსთქვას, მაინც უნებლიეთ იხედება მხურვალე სიყვარული შვილებისადმი ..

— ძვირფასო საშა! ჩაიბუტბუტა მ ანდრიას ტუჩებმა.

— ოჰ, ღმერთო! წამოიძახა ერთმა მენავეთაგანმა უეცრად.

მ. ანდრია შეკრთა და გამოიჩქვა ფიქრებიდან. თურმე მდინარეს ერთი მენავესათვის ნიჩაფი გამოეგლიჯა ხელიდან.

ჩამოხსნეს დაუყონებლივ სამაგიერო ნიჩაფი, და ნავი ისევ წინანდებური, ნელი და საოცარი ბრძოლით დაიძრა წინ.

მ. ანდრიასაც ისევ წარსული ცხოვრების სურათები გაუახლდენ გონებაში.

გავიდა ნახევარი საათი ამ ვაი ვაგლახში მას აქეთ, რაც ნავში ჩასხდენ. მიმდინარეობის სისწრაფე და საშიშარი სიმკაცრე ქარისა ძალიან აძნელებდენ მოგზაურობას მდინარეზე. მაგრამ მაინცა და მაინც აღარც შორს ყოფილა მეორე ნაპირი, თუმცა ისიც წალეკილი იყო წყლით. იქ უფრო უშიშრად იქნებოდნენ მიუხედავად იმისა, რომ იქაც მიჰქროდნენ საოცარი სისწრაფით მღვრიე ზვირთები მდინარისა.

მენავეები ილევდენ ძალ-ღონეს, მაგრამ თავ გამოდება არამც თუ არ უსუსტდებოდათ, არამც გეგონებოდათ კიდევაც, რომ რაღდენად სიძნელე იზდება, იმდენად ისიც მატულობსო.

მესაქე იდგა თავის ადგილას, როგორც მიჯაჭული და ერთნაირად წამოიძახებდა ყოველთვის „ფრთხილადო“, რაკი უშველებელი ზვირთები შთანთქმას დაუპირებდენ ნავსა. მისი თვალები ცუცხლივით ელავდენ. თითქოს ჩვეულებრივი მოვლენაა მისთვისო, აშფოთებულ მდინარესთან ბრძოლა თან და თან აგულიანებდა მას.

მაგრამ უეცრივ გაისმა რალაც ხაჭანი, თურმე საჭეს ბოლო მოასკდა და მდინარეს გაჰყვა ყველას ელდა ეცა... უმმართველოდ დარჩომილს ნავს ნაფორივით ატრიალებდენ ტალღები. მენავეებს უნებლიედ გაუარდათ ხელიდან ნიჩგები. დადვა საზარელი წუთი...

გამხეცებულ მდინარესთან ბრძოლა უსაქოდ შეუძლებელი იყო. ყველას შიშის გამომეტყველება შეაცივდა პირის სახეზე.

— ეს რა ღვთის წყრომია? წაიბუტბუტა მესაქემ. გაბედულება თან და თან უსუსტდებოდა.

— დავილუპვით! გულ ჩათხრობით წამოიძახა ერთმა მენავეთაგანმა. ამ სიტყვამ, თითქოს, ყველა გამოაფხიზლა.

ყველას გაეხსნა მაღა სიციცხლისა. აქამომდე მიმქრალი სიმამაცე წარმოუდგენელ ძლიერებად გაუახლდათ. „ყოფნა ან არ ყოფნა“, „სიციცხლე ან სიკვდილი“ აი ამ საკითხმა გააღვიძა მათი სულიერი ძალები. საოცარი სისწრაფით მოიკრიბეს გონება, აკანკალებული ხელები წინანდებურად გაუმამაცდენ... მთელი ორგანიზმი ემზადებოდა თავზარ დამცემ მტერთან საომრად...

იმართოდა ომი სასიციცხლოდ კი არა, სასიკვდილედ. ადამიანი მდინარეს იწვევდა სასიკვდილენ ომში და გადასწყვიტა კიდევაც ძვირად დაუჯინოს თვისი სიციცხლე...

ყველანი ელექტრონული ძალით აღიჭურნენ.

— გავსწიოთ! წარმოსთქვა უწინარეს ყოვლისა სვიმონმა. — იქნება საღდაც გაგვრიყოს, თან ამ ხმაში გამანახნევებელი გამბედაობა იხატებოდა...

ღუმილით მიჰყვენ სხვებიც და გაორკეცებული სიძლიერით მოუხვეს ნიჩგებს.

სვიმონმა ჩამოხსნა უკანასკნელი შემონახული ნიჩაფი და საჭის მაგივრად ხმარება სცადა, როგორც იყო ვაი ვაგლახით წასწია ნავი ნაპირისაკენ.

მ. ანდრია ხმა მალლა ლოცულობდა სულთა ბრძოლის კანონსა, რომელიც ძლიერ უყვარდა და ზეპირადაც იცოდა. მისი ხმა ძლიეს ისმოდა ზვირთების საშინელ შუილში და ქარში.

ლოცულობდენ სხვებიც. ყველანი ინანდენ თავიანთ ნებსითნი თუ უნებლიეთ ცოდვათა. ბრძოლამაც მიაღწია აღსასრულს, ერთხელ აფეთქებული თავგამოდება ნელ-ნელა მისუსტდა. ნავს წინანდებურად აქანებდა ზვირთები აქეთ და იქით, მხოლოდ ჯერ კიდევ



მენავეების თავ განწირული ბრძოლა ამაგრებდა მას წყალზე.

მეტათ შერჩენილმა ნიჩაფმაც ველარ გაუწია საჭეს მაგივრობა რიგიანად. ამასთან მენავეებს წინანდელმა გამოვლილმა ბრძოლამ მთლად გამოაუღია ძალ-ლონე.

ყველანი ხედვიდენ აღსასრულის სიახლოვეს. ლოცვით გამხნეებულმა მ. ანდრია მამაძლად დაასრულა კანონი. მენავეებიც ლოცულობდენ მხურვალედ და სიკვდილთან პირ პირ შეხვედრას ემზადებოდენ. ყველანი გამოხურვებულნი იყვენ ცხოვრებაში ბრძოლითა... არა ერთხელ და ორხელ წამოუქროლავს მათზე სიკვდილს... ამ ჯურის ხალხთა სიკვდილი ისე ძრვიელ ველარ აშინებს...

მ. ანდრია დაეთხოვა ლოცვას. მხოლოდ ახლა დაინახა მან, თუ როგორ მოახლოვებოდათ სიკვდილი. გამოემშვიდობა გონებაში სახლობას. არც ერთი ცვარი ცრემლი არ გადმოვარდნია მშრალსა და ანთებულს თვალთაგან.

—ხედავთ, ძმებო, სიკვდილი მოგვადგა! წარმოსთქვა ხმა მაღლა, რომ ეძლია გარემომცველ გრილისათვის. შეინანეთ, სანამ დრო გაქვთ... და მეც, როგორც უღირსი მოძღვარი, შევინდობთ თქვენს ყველა ცოდვათა. მ. ანდრია მფრთხედ გადასწერა მენავეებს ჯვარი.

—მშვიდობით! წამოიძახა მან, მაგრამ ველარ მოასწრო დასრულება, ზვირთებმა, რომლებიც იქამომდე აბურთავებდენ ნავსა, ახლა გადააბრუნეს კიდეც... ყველანი წყალში ჩაცვივდენ.

მხოლოდ ქარიღა ზუოდა წინანდებურად მდინარეზე და ზვირთები მიჰვარადდენ წყობისად.

V.

ამათი დაღუპვა მეორე დღეს გაიგეს.

„მათვეენა“, წავიდა თუ არა შვილები, მაშინვე გარდიცვალა. მისმა შინაურებმა ერთხანს უცადეს მ. ანდრიას, მაგრამ რომ აღარ მოვიდა, გარდასწყვიტეს ავდრის გამო უთუოდ დილაძდის აღარ მოდისო.

დილით, რა წამს ირაჟრაჟა, სოფელში აფრინეს შიკრიკი, რომ შეეტყობინებინათ „მათვეენას“ სიკვდილი და მ. ანდრია უბრალოდ არ გარჯილიყო.

დარი შეიცვალა. თითქოს მსხვერპლი სწყუროდა ბუნებასო და რა კი შეიწირა, დაწყნარდა კიდეც. ქარი ჩადგა, მღვრიე მდინარეც ჩვეულებრივად

მიიზღაზნებოდა როგორც ჩვეულებრივს წყალდობის დროს.

შიკრიკი შევიდა სოფელში. სთქვა თუ არა, რომ მ. ანდრია ჯერ კიდევ არ ყოფილა ჩვენს სოფელშიო, მღვდლის მეუღლე გოდებით დაეცა იატაკზე.

ეს სამწუხარო ამბავი საყვარელი მღვდლის დაღუპვისა ელვასავით მოედვა სოფელს. მრავალი ხალხი დაიძრა მ. ანდრიას სახლისაკენ.

იქ იყო უნუგეშო გოდება. ცოლს ხშირად გული უწუხდა და ბრუ ესხმოდა, მოვიდოდა გონს, მაგრამ მალე ისევ უგრძობად იქცეოდა. ტიროდენ ბავშვებიც და გულ გახეთქილი შეჰყურებდენ გარეშემორტყმულთ. მზარეული ქალიც ქვითინებდა და ოჯახის დაღუპვას სჩიოდა.

გლეხები ცდილობდენ ენუგეშებინათ ქალი, მაგრამ მშრალი ნუგეში მხოლოდ ამწვავებდა უფრო მწუხარებას.

ამასობაში მდინარესაც მიეფინენ ნავები. დაუწყეს ძებნა დამხრჩვალთ. ვის ბადე მოჰქონდა, ვის ჭვილთი, ვის ორკაპი. გამოიძებნენ ისეთი გამბედავებიც, რომლებიც, მიუხედავად გაზაფხულის სუსხისა, ალაგ-ალაგ წყალშიც ყვინთაობდენ...

მხოლოდ საღამოზედ მოძებნეს ყველა გვამები. სამს მანძილზედ გადაეტანა მდინარესა და იქ ნაპირებზედ აზრდილსა და წყალში დამალულ ჩირგვებზე მიერიყა. ნავები კი ველარ იზოვნეს.

როდესაც ცოლს შეატყობინეს მ. ანდრიას გვამის პოვნა, მაშინვე წამოვარდა ლოგინიდგან, რომელშიაც იწვა და წივილით გამოვარდა გარედ.

თავ მოხდილი და ტანთ ჩაუტყმელი გარბოდა მდინარისაკენ, საიღამაც უკვე დაძრულიყო მისკენ ლიტანია.

ქალი სულის მომწყვლელი და გულის გამგმირავი გოდებით დაეცა ქმრის გვამსა და განუსაზღვრელი მწუხარებისაგან გული წაუიდა.

ხალხი შეჩერდა. ამ საზარელი მწუხარების მხილველ დედაკაცებმაც ველარ მოითმინეს და ქვითინებდენ. გლეხებმა თავი ჩაჰკიდეს. მათ მოქუშულს, ცხოვრების სიმძაფრისაგან დაღვრემილს პირის სახეს მედიდური სიმკაცრე ეტყობოდა. გაქალარებულ წვერ-ულაშებზე წამ და უწუშ სციოდათ უნებური ცრემლები.

მკაცრმა, ცხოვრებაში გამოწვრთნილმა გლეხის



გულმაც კი ვეღარ აიტანა მწუხარებისაგან გრძნობა  
შეშლილ ქალის გამომეტყველება.

გრძნობა მიღებული ქალი ძლივს ძლიობით  
ააგლოჯეს გვაშა და ხელით წამოიყვანეს შინ.

მგლოვიარე ლიტანია დაიძრა ისევ სახლისაკენ.  
მართლა რალაც განსაკუთრებული, დიდებული სამ-  
გლოვიარო იხედებოდა ამ ხალხთა კრებაში, რომე-  
ლიც დაღუმებული ლ ქუდმოხდილი მიჰყვებოდა ექვს  
გვამსა, — ამ ადამიანის უბედურების საზარელ სურათში.



# სწავლა და მეცნიერება ქრისტიან- ნობრივ სარწმუნოებასა და კეთილ- ზნეობაზე

ბოლოვის კვირა.

და ვითარცა მიეახლა, იხილა  
ქალაქი იგი და სტიროდა მას-  
ზედა. (ლუკ. 19—4).

## ბ ზ ო ბ ა .

დღეს შევალს იერუსალიმს  
კაცთა მშვიდობის მოძღვარი,  
სურს აღადგინოს მკვდრეთითა  
ადამის ცოდვით მომწყდარი.

კარაულისა ნაშობსა  
კიცვსა სიმდაბლით თუმცა ზის,  
ყველა სცნობს ზეცის მეუფედ,  
სცნობენ მადლ-მომფენს მისსა სხივს,  
მიმდგარან ებრაელთ ყრმანი  
რტოებსა კაფვენ ბზაზედა,  
ხალხიც ბაიის ყვაილსა  
კრფეს, და უფენენ გზაზედა.

ტაძრის ეზოში იხილა  
ვაჭართა გროვა მჯდომარე,  
განრისხდა, შოლტითა ცემა,  
ყველა განასხნა თვით გარე.  
„სახლსალოცველი“, სიწმიდე  
რად შეიმწიკვლა თქვენითო?  
„სახლი მამისა ჩემისა  
ქვაბ ავაზაკთა“ ქმენითო?

კვალად იხილა მთხოველად:  
კოკლნი, ყრუნი და ბრმანია,  
ყველა განკურნა იესომ,  
უყო მათ წყალობანია.  
განრისხდენ ცრუ მოძღვარნიცა,  
ეს ვილაც წარმათიაო!!  
ვინ გვირღვევს მოსეს მცნებასა,  
დღეს უქმი, შაბათიაო!!!

რ. საჯაოხელი.

ეს მოთხრობა მასწარებლისა იხსენიებს  
იმ დროს, როცა იესო ქრისტე ზეთის სილის  
ძთიდან ჩამომავალი სედავდა ძთელ იერუსა-  
ლიმს და მიემგზავრებოდა ამ ქალაქისაკენ  
ბაიას რტოებით და საძოვლებით მოფენილ  
გზაზე, ხალხი აღტაცებით დაღადებდა: «ოსანა  
ძესა დაჳითისასა!» თუმცა ხალხი ასე აღტა-  
ცებით ეგებებოდა იესო ქრისტეს, მაგრამ იგი  
რცემლებსა ღვრიდა ქალაქ იერუსალიმისა გა-  
მო, რომელსაც დიდი უბედურება მოელოდა.  
მაცხოვარი თავის ნებით მიდიოდა სასიკვდი-  
ნედ, მაგრამ მის ღუთაებრივ და კაცობრივ  
სახიერებას ებრალებოდა იერუსალიმელინი.  
უფალს თავის თავზე არ უთქვამს, როცა  
იტყოდა: «ვითარმედ უკეთუმცა კეცნა შენ  
დღესა ამას მშვიდობად შენდა, ხოლო აწ და-  
ეფარა თვალთაგან შენთა».

მრავალი შემთხვევა იყო, როცა იესო  
ქრისტეს გამოცდიდენ, შეურაცხყოფდენ და  
ხანდისხან მოსაკლავადაც უნდოდათ, მაგრამ  
მაშინ ყოველივე ამას ითმენდა მაცხოვარი და



არც ტიროდა, მაგრამ ესლა, როცა ხალხი ასე აღტაცებით ეგებება და აქებს მას, იესო ტირის. უფალი იესო ქრისტე ცხადათ სედავდა, თუ რას ფაქრობდენ ებრაელებს მწიგნობრები და ფარისევლები მასზე, იცოდა მან, რომ მათ უკვე მოფიქრებული და კარდაწვევტილი ქონდათ მოკვლა იესოსი, იცოდა მან, რომ ამ მწიგნობრების და ფარისევლების რჩევით და გავლენით ის ხალხის ბრბო, რომელიც დღეს ასე სიხარულით ეგებება მას და უღალადებს, დასტოვებს და დაივიწყებს თავის ღალადებას და „ოსნას“ ნაცვლად

იწეებს გაბრახებულ ვიროდს: „ჯვარს აცვ, ჯვარს აცვ ეგე!“ დიად, ამ ხალხმა, რომელიც ასე სიხარულით მიეკება ქრისტეს, თავის ტონისამოს უფუნდა და ბიას რტოებით ხელში უგალობდა: „ოსნა მესა დავითასას, კურთხეულ არს მოძავალი სახელითა უფლისათა“, მესუოე დღეზე, როცა ზილატემ კითხა ებრაელების მწიგნობრებს და მღვდელ-მთავრებს: და რა უეოთ იესოს? ერთ ხმად შესძახა მწიგნობრების და ფარისევლების შთავონებით: „ჯვარს აცვ, ჯვარს აცვ ეგე“. ზილატეს ებრაელების კანონებისა და ჩვეულებისამებრ უნ-



დიდებით შესვლა უფლისა იერუსალიმში



დოდა განეთავისუფლებია ორ დაძნელებულ კაცს ერთ-ერთი და ამიტომ ეკითხება ხალხს: თქვენი რჯულისამებრ ორ დასასჯელთაგან ერთის განთავისუფლება შეიძლება, არა კნებავსთ, რომ იესო გაუშვა და ბარაბა დაესაჯო (ბარაბა იყო აჯანყის მხარდამხმარებელი და უნდა სიკვდილით დასჯილიყო) ხალხმა ერთხმად შესძახა: არა, ბარაბა განთავისუფლეთ და იესო დასაჯეთ, ჯვარს ატყვი.

აი სადამდის მივა ხალხის სიბრძნე! ვინ არ აღეფფევა და ვინი გული არ შესწუსდება, როდესაც გულდასმით წაიკითხავს სასარგებლოს და რას არ ვამბობთ ჩვენ ამ დაბრძნებულ ებრაელებზე!.. მაგრამ თუ კარგად დავაკვირდებით ჩვენ ცხოვრებას და ჩვენს საქციელს,

დიდ გასაკვირველ და გასაოცებელ მოქმედებად აღარ ჩავთვლით იმ დროის ებრაელების საქციელს და მათგან წარმოთქმულ სიტყვებს. განა ჩვენ, ესლანდელი დროის ქრისტიანები კი არა ვუფთ უარს იესო ქრისტეს და მის მცნებას? დღეს აღვიარებთ ქრისტეს მცნებას და მისი სარების სწავლა-მოდერნებს, ზეგ კი გასაოცარ გულ-გრილობას ვაცხადებთ მის სარწმუნოებაზე, დღეს რომ ჰირობას ვსდებთ მაცხოვრის მცნების აღსრულებაზე, შემდეგ კი უარ ვუფთ, აღვილიც რომ იყოს ამ მცნების აღსრულება.

უფალო, შეეწიე ჩვენს ურწმუნოებას და მოკვიტე ჩვენი შეცოდებანი.



შევეთუემე დაგბანენ ფერხნი, უფალმან ლ მოძღვარმან, ლ თქვენცა თანა-გამს ურთიერთარს დაბანად ფერხთა.

რამეთუ სახე მიგეც თქვენ, რათა, ვითარცა ესე მე გიყავ თქვენ, ვგრეთვე თქვენცა ჰყოფდეთ.



# სამ მოქალაქის სამეფოსადმი\*

საუბარი მახუთა

## შვილების მოვალეობა მშობელთადმი.

იესო ემორჩილებოდა მათ (ლუკ. 2, 51).

წინა საუბარში მე ავღნიშნე მშობლების მოვალეობანი მათი შვილების აღზრდა-მოვლის საქმეში. ხოლო დღეს მე მსურს ვესაუბრო ბავშვებს. ამისათვის მე მოხერხებულ შემთხვევას მაძლევს მაგალითი იესო ქრისტესი, რომელიც ემორჩილებოდა და გამგონე იყო იოსების და ყოვლად კურთხეულ ღვთის მშობლისა. ვისარგებლებ ამ შემთხვევით—ცოტათი მაინც მოვრეცხ ნაღველს ჩემს გულს და თავისუფლად გამოვთქვამ ჩემი გულის ნაღებს, რომელსაც აღძვრენ ჩემში მრავალი ყმაწვილების ცუდი საქციელი მათ მშობელთადმი.

ათ მცნებაში, რომელიც ღმერთმა მისცა ებრაელებს სინას მთაზე, ნათქვამია: „პატივი ეცი მამასა შენსა და დედასა შენსა, რათა კეთილი გეყოს შენ და დღეგრძელ იყო ქვეყანასა ზედა“. აი რას ავალღებ შვილებს თვით ღმერთი. ამიტომ მე საჭიროდ არა ვთვლი განგიმარტოთ თქვენ, ყმაწვილებო, თქვენი მოვალეობანი მათ შესახებ, რომელთაც გშობეს თქვენ; მხოლოდ გეტყვი, თუ რისი ღირსი არიან შვილები, რომელნიც სინამდვილით არ ასრულებენ ღვთის ამ სიტყვებს. ეხლა გამოვიკვლიოთ, არიან თუ არა ისეთი შვილები, რომელნიც პატივს არ ცემენ მშობელთა თვისთა და რა სასჯელის ღირსნი არიან შვილნი ურჩნი, ამაყნი და დედ-მამის შემაწუხებელნი.

### I.

ეს სამწუხარო მოვლენა ძლიერ საზოგადოდ და თვალ საჩინოდ არის გავრცელებული ამ ჩვენს დროში. ძვირად ნაფხავთ ისეთ მშობელს, რომელიც თავის შვილებს არ უჩიოდეს. მრავალი მშობლები-საგან გამიგონია და ყოველ წაშს მესმის, რომ ეხლანდელს დროში ჩვენი შვილები, მოიზრდებიან იგინი თუ არა, აღარაფერს გვიგონებენ და დამოუკიდებლად უნდათ იცხოვრონო. მე აქ სახეში არა მყავს ის ყმაწვილები, რომლებიც ჯერ კიდევ ბავშობის წლოვანებას არ გაცდობიან, არამედ მე ვამბობ


\* იხილე „მწყემსი“ № 6, 1897 წ.

ისეთებზე, რომელთაც შეგნებული აქვსთ თავიანთი მოვალეობანი, იციან, რა არის კარგი და ცუდი, შეუძლიათ იხელიძღვანელონ გონებით, რომელიც მათ მინიჭებული აქვსთ ღვთისაგან.

აბა ერთი მამამ შენიშვნა გაუბედოს შვილს, რომელსაც ცუდ ყოფაქცევას ამჩნევს; აბა ერთი მოიწადინოს მისი დასჯა მისი ქარაფშუტობისა და ცუდი ყოფაქცევისათვის; აბა ერთი ურჩიოს ისეთი საქმის გაკეთება, რომელიც შვილს არ ესია მოვინება და რომელიც ხელს შეუშლის მის დროების ტარებას. აბა ერთი დედამ უთხრას თავის ქალს, რომ ის მარტო მორთულობაზე ფიქრობს, ძლიერ მოუფიქრებლად იქცევა, სიტყვა-პასუხს არ უკვირდება, ძლიერ გაბედულად იქცევა კაცების საზოგადოებაში; აბა ერთი შენიშვნა მისცეს მას, რომ ის რაღაცა საეჭვო საზოგადოებაში იღებს მონაწილეობას, დიდ დროს ახმარს თამაშობას და სხვა უბრალო დროების ტარებას. მაშინ თქვენ დაინახავთ, თუ შვილები როგორ გაბრაზდებიან და ნაცვლად მისა, რომ ეს სასარგებლო და ბრძნული რჩევა-დარიგებანი მიიღონ, მომეტებულად ავდებიან. მთელი კვირაობით ხმას აღარ ცემენ მშობლებს და იბუტებიან. აი აქედან თვალ საჩინოდ იხედება, თუ შვილები რამდენად გამგონენი, პატივისმცემენი და მორჩილნი არიან მშობლებისა.

უფრო მომეტებულად ფუქტებიან შვილები. როცა მშობლები აბინავებენ მათ და როცა ისინი თავისუფალ ცხოვრებას იწყებენ. მერე ხომ ველარას გაუბედავ მათ. რომ ვინიცობაა რამე გაუბედოთ, მრისხანეთ მოგიგებენ; „თუ ღმერთი გწამთ, თავი დაგვანებეთ, დიდი ხანია თქვენი ბრძანებლობისაგან თავისუფალნი ვართ. თქვენ თქვენს საქმეს მოჰკიდეთ ხელი და ხელს ნუ გვიღწლით, ისეთ წლოვანებასა და მდგომარეობაში ვართ, რომ ჩვენ თვითონ კარგად მოუვლით ჩვენს თავს; ნუ თუ კიდევ ბავშვები გგონივართ?—მართალია, შვილო, ბავშვი კი აღარა ხარ. მაგრამ მე მაინც შენი მამა ვარ და კიდევ რომ თმა გაგიფთვრდეს, შენ მაინც ჩემი შვილი იქნები და მე ყოველთვის უფლება მაქვს შენიშვნა მოგცე“—მე არ ვსაჭიროებ შენს შენიშვნას, შენთვის შეინახე შენი დარიგება. მე იმდენი ვიცი, რამდენიც შენ, მე ჩემი ჰკუთით მინდა ვიცხოვრო, თავი დამანებე, შენ ჩემი არაფერი არ მოგწონს“. ოხ, ღმერთო ჩემო, რა გულ გამხეთქი სიტყვებია! განა შეიძლება, რომ შვილმა ასეთი სიტყვები უთხრას მშობლებს?





ასეთი სიტყვებით შეიძლება მხოლოდ ბატონმა მობარტოს თავის მოსამსახურეს და არა შეიღმა მამას.

ეხლა ვიკითხოთ: ასე უდიერად მარტო გაუნათლებელი შვილები ექცვიან მშობლებს? საფიქრებელი იყო, რომ მარტო ასეთ შვილებისაგან შეურაცხყოფილი უნდა ყოფილიყვნენ მშობლები. მაგრამ, ჩვენდა საუბედუროდ, არც ის შვილები ექცვიან მშობლებს რიგიანად, რომელთაც თავი მოაქვს თავიანთი განათლებით. მართალია, ასე ბრიყულად არ ელაპარაკებიან თავიანთ მშობელთ, მაგრამ არც იმდენათ პატივისმცემელნი და გამგონენი არიან. ამას მოწმობენ თვით მშობელნი.

შეიძლება ვინმემ იფიქროს, რომ ამ საგნის შესახებ ყოველიფერი ითქვა. სრულებითაც არა. აი ეხლა მეორე სანახაობა. ერთხელ, სამრევლოში სიარულის დროს, ერთ სახლში შევედი. უნებლიეთ ჩემი ყურადღება მიიქცია ერთმა მოხუცმა, რომელიც კუთხეში იჯდა განმარტოებული. მისმა ქალბრძოლმა, შრომისაგან დაქანცულმა და მოხრილმა სხეულმა ჩემში აღძრა პატივისცემა ამ მოხუცისადმი. მე მიუახლოვდი მას, რომ გამოვლაპარაკებოდი; მის პირის სახეზე ცხადათ მოსჩანდა მწუხარება. «რა დაგემართა, ჩემო მეგობარო? შენ, როგორც ვხედავ, ძლიერ მოწყენილი ხარ. კაცო! კიდევ სტირი? ვინ გაწყენინა? ხომ რაიმე უბედურება არ შეგემთხვა ოჯახობაში?»

— ოხ, ჩემო ხელმწიფე! მე მსურს სიკვდილი და ყოველ დღე ამას ვევედრები უფალს, რომ მან მალე მიიღოს ჩემი სული, რადგან მე არაფრისათვის გამოსადეგი არა ვარ, ყოველ დღე მესმის საყვედური იმ პურისათვის, რომელსაც მე მადლევენ და რომელსაც რწყავს ჩემი რცემლი; მე ხუთი ვაჟი მყავს; ეს ჩემი უბედური ხელები მარტო მათ სარჩენად მუშაობდა; დიდი შრომით გავზარდვინე ისინი და დავაბინავე და რაც კი რამ გამაჩნდა შავი ღლისათვის, მათზე დავხარჯე. ეხლა, როცა მე თვითონ აღარაფერი არ გამაჩნია და არც შემეძლია, ჩემი საკუთარი შრომით ვირჩინო თავი, ჩემს შვილებს თვალის დასანახავად ვეზარები. არც ერთ მათგანს არა სურს, რომ სახლში დამაყენოს და მარჩინოს სიკვდილის დღემდე. აგერ ვარ სამოწყალოდ. სიტყვას არ ამომალეობინებენ; თუ რამე შენიშვნა მივეცი და თქვენ ხომ იცით, რომ მოხუცებულნი უფრო გამოცდილნი არიან ახალგაზდებზე, — მეუბნებიან, რომ მე გამოჩურჩულებული ვარ: თუ რამე ვსთქვი ჩემს უბედურებაზე, ჩემთვის სიკვდილს სურვობენ: ჩემი პატარა შვილი-შვილებიც კი დამცინიან და მაწყენინებენ ხოლმე. აი როგორია ჩემი მდგომარეობა! მაგრამ მე თქვენა გთხოვთ, რომ არაფერი არ უთხრათ ამაზე ჩემს შვილებს; კიდევ უარეს დღეს დამაყენებენ, თუ გაიგეს, რომ მე თქვენ რამე გითხარიო».

თქვენ, ძმანო ჩემნო, დიდის ყურადღებით მივსწავლეთ ყურს. თქვენს პირის სახეზე თანხმობის ნიშანს ვხედავ, თითქო თქვენ მეუბნებიან პასუხით: ნამდვილი სიმართლეა. ეს ჩვენ თვითონ გვინახავს, გაგვიგონია, ყოველ დღე ვხედავთ. ისწავლიან თუ არა ჩვენი ბავშვები ლაპარაკს, მაშინვე გაუგონარნი შეიქნებიან. და როცა ცოტა მოიზრდებიან, მაშინ ხომ უფრო ცუდად იქცევიან. თუ ერთხელ განთავისუფლდნენ ჩვენის ხელიდან მერე ველარას უბედავთ. თოცა მოვხუცდებით და საქმის გაკეთებას ველარ შევიძლებთ, მაშინ ხომ თვალის დასანახად ვეზარებით. ჩვენი მოხუცებულება ეზარებათ. სურთ, რომ მალე მოვკვდეთ და ჩვენც ძალას გვაყენებენ, რომ ღმერთს ვსთხოვოთ სიკვდილი. სწული გამოსაცნობია: ვისთვის უფრო სამძიმოა ჩვენი მოხუცებულობა, ჩვენთვის, თუ ჩვენი შვილებისათვის?

ასრე, ძმანო ჩემნო, ჩემგან ნათქვამი გამოგონებული არ არის; მე ის გითხარიო, რაც ყოველდღე ხდება თქვენს თვალ წინ. მაგრამ როცა ერთსა და იმავეს ხშირად ვხედავთ, ყურს აღარ ვათხოვებთ, თითქო აღარც კი გვეჩოთირება; ისე უცქერით, როგორც ჩვეულებრივს რამეს.

II.

შენი მშობლები, ჩემო შვილო საყვარელო, შენთვის რამდენიმედ ღვთის სახე არიან. როგორც ღმერთი არის მამა, მფარველი, მაცხოვარი შენი სულისა, ისე მშობლები არიან შენი შემქნელი, მფარველი, და მაცხოვარი შენი სხეულისა, ეგ შენი სხეული წარმოდგა მათი არსებისაგან, და შენ ერთის წხრით ხარ ხორცი ხორცთაგან და ძვალი ძვალთაგან შენი მშობლებისა, ნაწილი მათი. რა შრომა, ზრუნვა და უსიამოვნება არ გამოცადეს მათ შენ გაზრდაზე? ნუ თუ არ ხედავდი, როგორ უყვარდი შენ შენს მშობლებს და როგორ გასათუთებდნენ, როცა ხელით გატარებდნენ და მუხლზე გისვამდნენ? თავისთვის ძილს იფთხოვდნენ, ოღონდ შენ გძინებოდა მოსვენებით; თვითონ იკლებდნენ ტანთ-საცმელს, ოღონდ შენ კი შეემოსეთ; თვითონ უსაჭიროეს რამეს იკლებდნენ, რომ შენთვის ესიამოვნებიათ.

ღვთის საყვარული კაცთადმი უსაზღვროა: ამ საყვარულს, მიუხედავად იმისა, რომ იგი უსაზღვროა, თვით ღმერთი აღარებს მშობლების საყვარულს შვილთადმი. ამიტომ იმ შვილზე, რომელსაც არ უყვარს თავისი მშობლები, საკმაო არ არის ვთქვათ, რომ იგი უმადურია, ამას უნდა დაუმატოთ, რომ ისინი ამოსადგები რამოსაწყვეტი არიან; როცა შვილი პატივს არა ცემს მშობლებს, იგი იქცევა ისე, როგორც უსჯულლო; მისი წინაღმდეგი სიტყვები მშობელთადმი ღვთის გმობაა; ასეთი შვილი ფეხქვეშ თელავს სარწმუნოების წმიდა კანონებს, ეწინააღმდეგება გონებას და ემზავ-



სება უენო ცხოველებს, რომელნიც რამდენიმე ხნის შემდეგ, ვეღარ ცნობენ ვეღარც მამას და ვეღარც დედას. ბავშვები, რომელთაც ჩემი სიტყვები ესმისთ დღეს, სასირცხოთ მიაჩნიათ ასეთი საქციელი, მაგრამ აი რისი უფრო უნდა ეშინოდესთ მათ:

წმიდა მამათ-მთავარმა ჩვენმა ნოემ გააშენა ვენახი, მან არ იცოდა ძალა ღვინის წვენიცა, ცოტა მომეტებული დალია იგი, ღვინო მოეკიდა, მან დაიძინა და ძილის დროს ტანთსაცმელი გაეხადა. ერთმა მისმა შვილმა დაინახა მამა ასეთ მდგომარეობაში, იგი გაიქცა თავის ძმებთან და სიცილით უამბო მათ მამის ამბავი. ძმები მაშინვე გაიქცნენ, თან წაიღეს სამოსელი, მივიდნენ მამასთან და დაათარეს მას სამოსელი. ნოემ, გამოღვიძების შემდეგ, გაიგო თავისი შვილების საქციელი; აკურთხა ორი უკანასკნელი, ხოლო პირველი დაწყევლა და მასთან ერთად დაწყევლა მისი შთამომავლობა და უწინასწარმეტყველა, რომ იგი და მისი შთამომავლობა მოსამსახურენი იქნებიან მისი ძმებისა. რა დამნაშაობა ჩაიდინა ქამმა, რომ ასეთი წყევა მიიღო მამისაგან? იმას წინააღმდეგობა არ გაუწევია მამისათვის, პირში არ დაუტინია მისთვის, მხოლოდ მან შეხედა მამას, როცა ის ტიტველი იწვა და ეძინა; იმან ის უთხრა ძმებს, რაც არც მას უნდა დაენახა და ამ ნაკულღვეანებამ მიაყენა მას მამის წყევა. ეს გაკვირვებს თქვენ, მაგრამ აი კიდევ რა გითხრათ: თვითონ ღმერთი ეუბნება მოსეს: „იყოს თუ ვისიმე შვილი ურჩ და სუსტ, და არა ერჩდეს სწავლასა მამა დედათასა, და განსწავლის იგი და არა ისმინოს. და აღილოს იგი მამამან და დედამან მისმან, მოიყვანონ წინაშე კრებულისა მის მოხუცებულთა ერისა ქალაქისათა, კარსა მას სადაც დასასხდომელი იყოს კაცთა, და თქვან მათ წინაშე: შვილი ესე ჩემი ურჩ არს, და სუსტ, და უზავ და არა მორჩილ ჩვენდა და არცა ისმინის ხმა სწავლისა ჩვენისა; შკამს და სვამს და განსცხრების მომთვრალეთათანა. მოიყვანონ იგი კაცთა მათ მის ქალაქისათა და ქვა დაჰკარბონ მას და მოკვდეს, რათა მოისპოს უკეთური იგი თქვენ შორის, და ყოველსა ისრაელსა, რომელსა ესმეს შეეშინის“. [მეორე სჯულ. 21, 18—21].

ამ სახით უბედური ხარ შენ, შვილო, რომე-

ლიც ნაცვლად მისსა, რომ ახარებდე შენს მშობლებს, ატკობებდე მათ სიცოცხლეს და ანუგეშებდე მათ მოხუცებულობის დროს, პირიქით სიცოცხლეს უმწარებ და უმოკლებ მათ შენი ცული საქციელით და ამიტომ შენ ხარ ძე წყევისა. შენ დაისჯებოდი სიკვდილით მოსეს კანონით, და ხალხი, ღვთის ბრძანებით, დაგქოლავდა შენ ქვებით. ღმერთმა იწებოს, რომ ყოველივე ამან აგინილოს თქვენ თვალები. თქვენ ხედავთ, რომ ეს სიტყვები მე თვითონ არ შემითხზავს, არამედ ეს სიტყვები ეკუთვნის თვით ღმერთს.

კიდევ გამიგონეთ, და მალე გავათავებ: მოისმინეთ სიტყვები, რომელნიც ამოღებულნი არიან «სიბრძნეთაგან». რა მშვენიერნი არიან იგინი! ღმერთო, ეს სიტყვები აღბეჭდე ყველას გულში შენი მადლით. „რომელი პატივს ცემს მამასა, განწმენდს ცოდვასა. და ვითარცა რომელი დაიუნჯებდეს მადიდებელი დედისა თვისისა. პატივის მცემელი მამისა იწარებდეს ძეთა მიერ, და დღესა შინა ვედრებისა მისისასა სასმენელ იქმნების. რომელი აღიდებს მამასა, დღეგრძელ იქმნების, და მორჩილი უფლისა განუსვენებს დედასა თვისსა. მოშიში უფლისა პატივს ცემს მასა, და ვითარცა დედოფალსა მსახუროს მშობელსა მისსა. საქმით და სიტყვით პატივეც მამასა შენსა და დედასა, რათა გარდამოვიდეს შენ ზედა კურთხევა მათგან. (ისო ზირაქისა 3, 3—8). აი, ჩემო შვილნო საყვარელნო, რა გითხარით თქვენ დასარიგებლად. ისარგებლეთ ამებით, და ღმერთი გაკურთხებსთ თქვენ.

**შ ი ნ ა ა რ ს ი:**

**ოფიციალური განყოფილება:** ანგარიში იმერეთის ეპარქიის სანთლის ქარხნის შესავალ-გასავლისა 1896 წლ.—უმალესი ჯილდოები.—ქართლ-კახეთის საეპარქიო სამასწავლებლო საბჭოის მიერ.

**სალიტერატურო განყოფილება:** ქრისტე აღდგა! —ღია წერილი კიევიდან.—ღია წერილი ქიზიყ. მღვდლისა.—მოვალეობა თუ სიყვარული? —ბზობა (ლექსი).

**სწავლა და მცენიერება ძრისტიანობაში სარწმუნოებასა და კეთილ-ვნეობაზე:** ბზობის კვირა.—ხმა მოძღვრისა საწყსოთადმი. საუბარი მეხუთე.

რედაქტორ-გამომცემელი დეკ. **დ. ლამბაშიძე.**

Редакторъ-Издатель **П. Д. Гамбашидзе.**

Дозволено цензурою, Тифлисъ, 15 апрѣля 1897 г. ♦ Цензоръ прот. **Е. Е л и е в ъ.**

Типог. редакци журн. „Пастыръ“ (П. Д. Гамбашидзе) въ Кутаисѣ, въ д. бр. Ханановыхъ, на Нѣмецкой ул.